


華陽先生文集

和6
657
1



門 46
號 65
卷 1-5



華陽先生文集序



吾友真學宅也。其舉華陽先生
補弟子。予自十四五歲。既序津
官時。先生既襮。然為洪生冠。誘掖
後進。及業深。執事。亦倦。視以繼
日。其居也。河。室。系。跡。沈。伊。東。源。矣。

平古家三年。乃始。會先師。月。而
先生自東。考。到。制。心。物。子。之。學。先
生。乃。書。其。所。學。之。道。從。子。古。文
家。於。是。字。孫。益。明。業。益。進。嘉。亨。年
無。幾。乃。自。考。講。擇。可。文。學。五。載。年
遂。為。清。漢。遂。以。為。法。道。學。鼓。衆。海。

後。為。免。家。居。後。時。只。對。厥。向。如
傳。講。時。眾。及。致。子。清。者。不。視。於。者。只
第。如。所。云。先生。為。人。清。無。致。樣。第。然
慎。重。如。少。能。以。其。自。謂。拙。亦。嫩。家。
之。於。藻。陰。是。以。其。所。無。述。未。嘗。振
以。示。人。也。夕。其。富。力。即。造。積。材。以。持。


語。說情之得。字筆之宜。而法與世。心
 小。其體之與。巍然自為一家。然世
 心。傳此通。為大。故以求。當世之名。也。
 第。庶夫。執此。種。為。法。勸。私。刊
 刻。于。鍾。鳴。解。燥。轉。舌。變。以。其。為
 法。海。之。也。初。名。冒。利。少。有。羞。恥。也。其

門人子弟。以師。折。且。校。其。象。予。一。春
 業。語。曰。去。吾。舊。四。五。十。年。來。操。筆。操
 觚。之士。皆。有。蹤。矣。又。為。西。蜀。之。化。於。其
 為。師。也。而。其。以。經。臨。以。新。式。中。國。
 御。芬。紫。華。淫。色。國。史。按。武。先。師。也。
 舍。先生。而。生。海。宇。此。集。之。出。也。古。必

予學於先生於刻印商之係共
 哉。是當之能名以是造化字乃序
 以換字

明和已之喜長之傳講游也

徐八謹叙并書



華陽先生文集目錄

卷之一首

五言古詩七首

卷七言古詩三首

卷之二首首

卷五言律六十四首

五言排律一首

卷之三首

七言律七十首

卷之四

七言古詩三十一首

五言絕句二十一首

七言絕句百三十三首

卷之五

序九首

卷之六

序九首

卷之七

記八首

傳二首

卷之八

碑碣十四首

卷之九

贊五首

銘六首

題跋三首

說一首

上梁文三首

策一首

筆語四首

卷之十

書牘四十七首

華陽先生文集目錄終

華陽先生文集卷之一

長門 山根清子濯 著

男 泰德有隣 校

門人 吉田文獻子徵 輯

五言古詩

東陽津氏集賦春興二首

春風吹嘉樹。芬芳滋且榮。上有好音禽。和鳴共嚶嚶。
節物易成感。鬱陶想友生。聊乘此陽春。攜手結芳盟。
良辰不可失。良緣固難成。翩翩珠履客。八士稱髦英。
中堂踐俎豆。鼓瑟吹竽笙。當此少壯時。歡娛可極情。

服藥多無驗。僊佺但聞名。願從吾所好。姑茲酌兕觥。
灼灼園中花。榮枯歛。翻覆一朝死。朽骨先草木。
文章千古業。榮名賁簡牘。吾黨諸兄弟。玄論炙車轂。
操觚且命盃。茲樂天美祿。軒冕復何道。安然守白屋。
烟霞長有約。褰裳往山谷。

寄所思

園林商飈飛。促織依古牀。憂多不能寐。中宵起彷徨。
白露被階除。寒光結為霜。夜方其如何。耿耿猶未央。
星漢西北流。三五粲東方。胡寧久契濶。乖離參與商。
參商固難遭。惟念歲月長。仰觀明月傾。鴻雁東南翔。

所思將誰告。明發徒悲傷。

中秋李生集值雨

天地秋氣高。山川霜露滋。三五夜張燕。人間競佳期。
明月忽濛濛。陰雨夜淒淒。其風雲何無。賴變態偏堪悲。
人世多如此。金石誰固生。蔚乎吾黨徒。八士蜚英名。
喪亡日相尋。屈指歎且驚。倦遊甘自棄。文章唯結盟。
雅筵辱未至。綢繆一心傾。既醉以酒醪。遲暮忽忘情。
諷朗會適我。何復問陰晴。良緣不可復。相期到五更。

猛虎行

北山樹鬱鬱。南山霧濛濛。中有斑文虎。巖壑晝生風。

乳子千仞窟。負嵎耽視雄。曾爲百獸長。暴殺爪牙龍。
馮婦不下車。裴旻弛矢弓。腰間赤金刀。自誓飛將功。
婦人泰山側。中夜泣惻惻。不知官家吏。嗟爾角而翼。

中秋會井俊卿宅

高會愛良夜。眺望倚欄干。西山爽氣動。階樹白露溥。
今夕是何夕。邂逅共罄歡。褰帷見粲者。晴光庭上團。
盈暉常易缺。良朋集亦難。人間多離別。世態悲波瀾。
秋風一吹衣。百憂摧心肝。嫠婦泣孤舟。邊馬苦征鞍。
于役阻且遠。客居寧得安。遊子今還家。清時擢美官。
佳期况開宴。故舊樂遊觀。琴歌賡詩賦。賞情自無端。

余藏白雪曲。請聽向君彈。

送阪大連之浪華

少壯輕離別。衰老不堪悲。道路千餘里。各在水一涯。
頽齡無明日。相見安可知。憶昔遊泮宮。同堂共懽怡。
屈指五十年。過隙白駒馳。文苑八士稱。舊交今有誰。
回首雲煙變。世態非昔時。矧復秋風颯。搖落殘幾枝。
孤鴻東南翔。追飛寧得隨。目送揮五絃。鬱鬱獨傷噫。
奏曲乖時尚。古調被人疑。知音固難遇。向君告所思。
行行不能淹。悵悵從此辭。西顧眺夕月。我亦仰朝曦。
心心遙相照。會面何爲期。

七言古詩

豐城歌賀伯僊領翁八十壽

肥壤沃土國天府。碧海西環維豐浦。造化鬱勃鍾神
秀。山川佳麗冠寰宇。憶昔奠都築宸宮。翠華拂天來
自東。玉殿金閣朝日耀。鳳凰闕深祥靄中。紫陌紅塵
簇華蓋。萬國冠冕競會同。此時三韓猶未朝。六師聲
罪討桀驍。帶甲百萬貔貅士。旌旗蔽空渡海潮。金山
浦上金鼓振。威風草偃八道民。納款軟盟請內屬。萬
里航海致國珍。殺氣秋高海東青。春風驕嘶翠騏驎。
歲時貢獻隨所覓。赤豹黃羆充下陳。貨財輻湊民繁

榮好是樂土。稱豐城。審劍夜侵星斗彩。玄珠晝映赤
水清。碧波點破乾滿島。北望三山五雲橫。王氣千年
猶未畢。深山大澤龍蛇出。令氏兄弟多賢良。翁膺
福耽安逸。啓期三樂唯自寬。富瞻矧傳長生術。皇誕
開祝賓初筵。子姪滿堂共周旋。傾尊北海酒無量。裁
頌南山壽不騫。松茂竹苞生墻下。玉樹芝蘭秀階前。
豐城洵許君得所。豐城豐城萬斯年。

古風一篇贈朝鮮。朴矩軒前夕周旋于賓館。鞭
弭之功未竣共期再會。而一朝卒爾分手。悵然
不可言焉。聊述蘊蔚而已。

男兒懸弧雄飛志。結髮攘臂遊四方。西奔東走窮秦
魯。北胡南越何渺茫。晨發軔於白帝墟。昏宿于蒼梧
之傍。七澤風雨晝冥冥。九嶷衆峯疑且望。直上會稽
探禹穴。遂俾足跡遍八荒。矧復君原負仙才。迴轅忽
向東海來。東海海中三神山。方丈瀛洲及蓬萊。五色
雲煙鎖帝闕。瓊殿瑤扉金銀臺。三花珠樹榮冬夏。瑞
芝叢生碧水隈。群僊徜徉下相迎。玉女手捧紫霞盃。
吾曹跛人何所赴。蹒跚踈踈限跬步。局促曾比轅下
駒。少壯誰能千里騫。一朝揖我存顧盼。揚眉擡頭望
天路。九重宵冥倬青雲。難逐高足見。知遇海上蟠桃

大如盤。半餐投我我不餐。扶桑長幹撐白日。攀援枝
高徒盤桓。羽客由來天上住。人間何能輒得看。嘉運
假我良緣會。俗骨一時謾結歡。鼓瑟吹笙歌白雪。朱
絃一曲舞鳳鸞。鳳鸞原不栖荆棘。須臾辭去高羽翼。
會日常少別離多。浮雲聚散曷能極。緱氏山頭鳥不
回。天台赤城霞轉惑。瞻望不及佇立泣。後期何歲更
難測。清風明月重相思。朗吟向我遺餘響。

余老病多年。今春偶得給暇。浴于涪溪溫泉。豐
城僧祥瑞亦來浴。客舍始相見。目擊道存。何問
方之內外。清話手談。相得歡甚。而後遽爾分手。

寧得不為悵然邪。臨別謂曰：吾寺在前豐企救郡大里邑。曰：普照山佛願向者西京妙心寺住持大宙和尚。扁其丈室曰蓬萊。雖藪爾陋居乎。會得佳名。聞君祭酒學館。諸才子翩翩乎授簡。摘藻如春華。請共題詩脩飾。吾之蓬萊。余曰：吾黨之士皆俗骨。素匪謫仙之才。且匏繫一土。足限赤關。何以能得題所未經見之靈區。而述其勝狀也乎。雖然。一面如舊相識。不可空其需也。歸而與館下諸生謀焉。賦詩若干首。余亦裁蓬萊軒歌一篇以贈焉。

維昔豐城稱帝畿。山川佳麗吐光輝。文關研海西北。坼戶峯鎖雲白。魏魏中有精舍名蓬萊。蓬萊原阻人間埃。窰塔玉宇金銀閣。珠林着花彩霞開。海上僊人不可覓。徐生采藥幾時回。蟠桃結實二千載。徒聞曼倩偷得來。雲深緱山鶴不見。鳳凰飛盡吹笙臺。海西高僧祥瑞師。夙奉金仙茲棲遲。佛願脩成四十八道。濟百靈。放大慈眉。間白毫懸日月。慧光普照沙界涯。說法妙花飄牀上。揮麈紫雲隨手移。紫雲妙花常不斷。無量春色且四時。壽域何更尋海外。此地千秋宜卓錫。樂土樂土真蓬萊。真課紆來無終期。

華陽先生文集卷之一終

...

華陽先生文集卷之二

長門入山根清子濯 著

男 泰德有隣 校

門人 吉田文獻子徵 輯

五言律

早春作 客歲卜居

窮客暫棲息。迎年江上廬。新居無畜積。舊業有詩書。
世路誰知己。春風不負余。從今園圃裡。乘暖且鉏蔬。
卜居四首

苟合暫居室。倦遊江水傍。披襟當夕吹。沐髮曝朝陽。

竿瑟業多廢。劍書身共藏。杜門無一事。日月此中長。
原非黃鵠翼。聊竊一枝安。營世百年拙。構堂四壁寒。
風霜甘擁褐。交接恥彈冠。坎壈歲將暮。二毛謾作歎。
蓬蒿堪寄傲。白日掩柴扉。養拙愛居僻。偷閒安祿微。
徑通酤酒肆。園接釣魚磯。賴是江湖近。扁舟期拂衣。
大隱今何擬。敝廬市自鄰。豈遑論爽塏。好分混鷺塵。
踊屨觀邦政。賈商擇里仁。我心原若水。徒覩過門人。

夜宿荒村

獨宿高秋夜。蹉跎客路難。人煙千里斷。野哭幾家殘。
風急塞鴻下。雨冥鬼火寒。哀猿鳴至曉。羈思更無端。

雪

積素遍千里。曉光穿眼寒。命觴歌玉樹。麗曲鼓幽蘭。
舟向剡溪返。人陪梁苑看。草廬獨蕭瑟。誰復問袁安。

廢觀

荒觀倚青嶂。吹簫猶似聞。鍊金爐半壞。採藥徑纔分。
壁蝕千年畫。山餘五色雲。昇仙何處是。松桂夕陽曛。

贈山僧

孟鉢出家久。結跏祇樹林。長藤收佛日。枯木見禪心。
沙界風霜變。山中歲月深。市朝能遠去。獨往白雲岑。

輓谷永卿四首

中道摧雄志。盛年悲萎芳。乾坤殊俛仰。彼此別行藏。
懸榻誰將下。鳴琴人共亡。莫言骨空朽。遺業托文章。
百載深交契。一朝忽乖離。風雲懷舊好。花鳥益新愁。
屈指白駒隙。傷心黃鳥詩。九原何可作。永訣竟無期。
薤露行人泣。山阿柩乃前。古今觀一夢。生死隔千年。
已就邈乎路。空歎蒼者天。親朋咸會哭。相顧淚泫然。
郭北悲風起。孤墳傍曠原。幽明元異路。禍福自無門。
掛劍減龍色。清綿深淚痕。哀吟為一發。楚些擬招魂。
擬昆明池作

習戰昆明水。漢時功自殊。象溟浮北極。浴景接東隅。
舊石鯨飛動。明珠月有無。旌旗今在目。千載想雄圖。

東光寺

城東祇樹林。層閣倚山岑。室潤比丘坐。園餘長者金。
玄虛忘世諦。白雪見禪心。松栢先侯廟。臨碑墮淚深。

寄山中隱士

塵世拂衣起。考槃在卷阿。素心泉石足。濁酒歲時過。
招隱已傳賦。採薇應入歌。百年栖息地。唯見白雲多。

聽松聲

松風窗外起。愁客不堪眠。夜傍琴音落。曉兼鶴唳傳。
月明秋雨過。天靜海波懸。洗耳思相似。蕭然驚枕邊。

漁父

煙波長托跡。鷗鷺共爲盟。俯仰江湖濶。去留蓑笠輕。
動星曾避世。入兆謾彰名。坐唱滄浪曲。扁舟自適情。

樵夫

晨逐溪禽出。暮隨野鹿還。負擔休白石。跋涉遍青山。
自脫人間事。何知身上艱。換來沽酒足。一醉有餘閒。

江城秋霽

長江望將盡。秋色白雲中。垂釣情偏切。濯纓興不空。
山晴聞落木。天遠送飛鴻。倚閣雄心起。欲乘萬里風。

早行

戴星著客衣。匹馬去駢駢。殘月當鞍落。曉雲拂面飛。
路傍花始見。林外鳥猶稀。跋涉三春盡。征途幾日歸。

贈賣松人

可憐清操樹。百載混風塵。移出烟霞澗。栽爲桃李隣。
尚含千嶂色。何耐九衢春。不羨封秦爵。唯思遇主人。

歸雁

候暖辭南海。謝花向塞天。春風聲斷續。湖水影聯翩。
能報鄉關信。不堪夜月絃。客身何得似。目送轉相憐。

擬秋夜寓直

木葉高秋夜。波聲大夜生。月臨雙闕動。漏入五更清。

華陽集
星漢傍樓落金莖承露擎聖朝誰補哀多思坐天明

桃

武陵春色燦露井曉紅稠實結仙人苑花迷漁客舟
愛憎生半啖滑稽說三偷珍菓竟難得誰從王母遊
客懷寄同舍諸賢

十載茲飄泊青袍貧自如三春塞北雁萬里江南書
天地離群久風塵知己疎銜盃聊胥樂誰亦問窮途

初夏村居

蓬蒿堪寄傲且愛野人幽草茂添郊色雨餘長水流
荷鋤原養拙把酒好忘憂不惜春芳盡麥黃隴畝秋

秋日郊行

放歌弄晚晴蓬累出門行郊樹走江盡隴雲低野平
殘陽留暮色落葉送秋聲時值村翁語稍知遠吏情

孤松

險巖寒一樹霜雪歷千秋高幹挺無比舊枝低有勾
隻龍猶未化獨鶴好相留孤介亭亭立秦封還耐羞

畫馬

風霜櫪下生毛骨墨痕明燕市當論價江都獨得名
籟雲知逸足入夜聽長鳴恐向龍池去奔騰霹靂驚

田家晚秋

華陽集
卷之二
五
九月築場圃。西疇事且終。霜飛桑柘落。秋熟稻粱充。
樂歲兒孫長。遠郊牛馬風。岐民無凍餒。釀酒邀鄰翁。

冬日山居

衡門蘿薜掩。墻角掛鳴瓢。溪樹迎歸鳥。峽雲傍斷橋。
采薇年亦暮。栽葛服方饒。誰是賦招隱。桂叢多自凋。

借猿

千載誤聰慧。事非碧玉環。楚雲謾勞思。峽樹渺難攀。
孤影懸明月。三聲入故山。離群今借汝。客淚自相關。
舟行遇早霧

五里瘴天曉。冥冥迷海灣。啼猿知北岸。藏豹是南山。

候氣卜陰霽。隨波分往還。前津何處問。更比世途艱。

露

清夜降霄漢。凝光仙掌中。玉階聲滴瀝。琪樹彩玲瓏。
朝氣警鳴鶴。曉寒薄響蟲。吳臺荊棘長。千古泣西風。

紅柿子

赤玉盤中曜。青絲籠裡鮮。八稜奇種貴。七絕美名傳。
珠顆經霜落。金丸映日懸。南珍誰定價。更與荔枝連。

臨階危石

階前盈尺聳。山壑勢崔嵬。索取從湖底。鞭驅何海隈。
幽嵐晨拂檻。爽籟夕充臺。萬態奇峰似。景雲這裡堆。

素

黑緇原不混。白雪凝光寒。月動美人扇。風高處士冠。
邊功來駿馬。鄉思託飛翰。誰識漢宮怨。砧聲到夜闌。

河邊枯柳

風雪幾經載。水邊獨樹寒。岸崩根悉露。野燒枝纔殘。
半朽人無顧。十圍誰作歎。應緣多送別。摧折不堪看。

白日半西山

虞淵期已迫。頽景半西山。崕含餘照。桑榆生薄陰。
謾勞夸父力。空慕魯陽心。白日固難繫。衰遲感慨深。

壽國大夫六十初度二首

昌運會初度。揚輝南極懸。彤雲時鬱勃。青鳥復翩翻。
桃熟瑤池燕。竹裁淇澳篇。衛風歌幾闋。起祝萬斯年。
春酒介眉壽。高堂俎豆陳。奉觴皆子侄。裁頌屬朋賓。
筭本同龜鶴。瑞豈假鳳麟。芝蘭階砌色。且見映松筠。
中秋不見月得烏字

陰霧暗城上。秋風冷海隅。蟾宮藏玉兔。龍窟沒明珠。
籌廢一尊酒。樹迷三匝烏。吾曹偏相惜。良夜雨中徂。

陪阿川君飲神原氏戲東主人

主人此
時新婚

佳賓暫投轄。清燕好披襟。墻樹隔喧市。庭花延野禽。
兕觥公子席。鳳曲主人琴。聞說裁新操。弟兄和樂深。

觀射

千秋思矍相。貫革禮何同。妙技射鵰手。誠心破石工。良弓彎却月。飛箭激剛風。可識征胡虜。天山早定功。

山中道士

洞中天地濶。烟霧鎖塵寰。樵徑避人往。松門伴鶴還。誦經明月榻。采藥白雲山。欲問金丹術。青牛未出關。

鶴警露

半夜淒霜露。巢邊落木輕。忽驚三島夢。更起九霄情。月下寒孤影。風前急數聲。青雲搏未得。嘹唳至天明。星

三台扶帝座。列宿拱天樞。曾與賢人聚。忽隨王使驅。危邦多隕石。清世燦連珠。何事弟兄閱。商辰原自殊。

讀書

杜門耽寂寞。書卷滿孤牀。千載誰漂麥。多岐半喪羊。幽窓開霽雪。曲几對殘陽。未假青藜色。沈淪幾十霜。

虹

東西分隱見。每向日衝生。飲澗一條直。架空千尺橫。妖光搖易水。瑞彩照豐城。勇壯男兒氣。知懸天際明。

壁上畫鶴

乘軒復何日。畫壁獨離群。影小九臯月。翅輕三島雲。

翩翩疑且舞。嘹唳恰如聞。若得仙人馭。崑山一路分。

雀

微禽巢大厦。鳴噪日相尋。穿屋原無角。銜環能有心。鳳鸞何比翼。鴈鷓好同林。不羨翔千里。一枝唯擇深。

席

西序陳傳祚。左端銘示勤。繡緣開鳳彩。寶飾表麟文。割去交匪淺。奪來才出群。莫言門構窄。車轍自紛紛。

寄禪僧

捨身同木石。出世故離群。觀寂坐青草。息機看白雲。禪關生死定。沙界是非分。教外傳心妙。本來不立文。

竹杖

扶老長相伴。延年曾得名。斑文湘水色。蒼節蜀都生。龍逐仙人去。馬隨童子行。掛錢好賒酒。我亦阮宣情。

齋壁畫片雲

初起纔膚寸。飛揚影不齊。只看凝屋壁。未得度山谿。忽似追風動。稍將蔽日低。若能成五色。人道遺賢棲。

葵花

既值衆芳歇。故稱奇種名。嫩紅含露重。濃翠和烟清。足是求陰衛。心能向日傾。可知從蜀地。錦彩入花明。

哭田子高三首

華陽集 卷之二
文章名夙立壯志半途摧空聽驚人語更憐濟世才
遺音猶作玉大業豈爲灰誰悼風流盡餘芳千載開
命也爾蹉跎夭亡如汝何締交深日月異路邈山河
相顧歎頽景誰能回逝波永辭從此訣中野起哀歌
一去襲長夜悠悠難再晨隙駒傷逝者墓劍感行人
胡厭置芻薄偏悲宿草新州門西望杳垂泣獨逡巡

琵琶

緩急調胡語千秋發妙音塞雲彈馬上秋月響江心
六引腸將斷四絃涕不禁誰能爲慰遠然恨曲中深

呈朝鮮李海臯二首

彩鷁海東浮雄飛爲壯遊波光晴見雪蜃氣晝生樓
藥是探蓬島槎應泝漢流支機成研後詩賦徧蜻洲
誰道室斯遠相思一葦通交情無彼此地勢但西東
談熟筆揮際道存目擊中不妨音吐異四海弟兄同
長藩醫貞宮木氏室夢見管神數四時有熊羆
之祥屢現奇瑞而又獲神像於土芥中因設小
祠相庭中淨地而安之以奉香火歲時吉蠲極
尊崇焉倅泰德旣記之余亦裁小律應其需云
神格誰能度同塵庭砌傍小階雖尺咫厚奠豈尋常
松茂認清操梅開欽遺芳低雲擁祠上五彩表禎祥

五言排律

遊妙玖寺

城隅茲胥宇。卓錫奉金仙。峻嶺擁堂後。蒼冥開殿前。
 層崖攀樹陟。一路入雲懸。稅冕堪逃世。渡孟可詣天。
 參禪山闋寂。喻法水深淵。客至挹玄旨。社成期白蓮。
 披襟生爽籟。揮麈少塵緣。坐久覺談熟。晷移看鳥還。
 誰知韜晦地。卻在市朝邊。不事江湖遠。獨來心杳然。

華陽先生文集卷之二終

八

